

鼓山爲霖禪師語錄



鼓山為霖禪師語錄卷下

頌 洞山五位頌

書記太靖錄

正中偏

自從屋破見青夫，曠劫朦朧事曉然。
萬法渾融銀盞裏，一真獨露月明前。
形山有寶何曾秘，大地無塵不用捐。
理量未消成見刺，依稀雲霧尚纏綿。

偏中正

為霖下

深宮默默體無爲奉順須教勿輒離一念
不生真本妙絲毫變動落今時聲前髣髴
勤擔荷法上空空謹護持未轉大功成誕
子依然出入涉離微

正中來

溪山歷盡到其間滿眼清光未許眠一色
漸消臺上月靈機旋發火中蓮華冠卸却
情何滯鳥道行來步自玄用處但能通不

犯從教平地履青天

兼中至

掣開金鎖示全身妙用縱橫迫絕倫木馬
倒騎飛碧漢鐵牛高駕舞輕水隨緣變化
無今古遇物安心立假真莫怪阿儂多意
氣毘盧頂上要揚塵

兼中到

混淞之先謾強名釋迦彌勒也難怪夜明

簾捲_レ七_レ偏正_レ性海波澄孰濁清法爾_レ自來
超那畔靈然終不_レ隨虛凝綿綿古錦暗中
織劫外春風剪剪輕

總頌

我相當年立_レ自宗猶如寶鏡影重重悟明
必也窮幽極奉重還須盡始終子合父時
功始息正無偏後用方融凍雲深鎖家山
奮_レ午夜月明何處鐘

末後句

聲前拋不出_レ白後覓無蹤欲識箇中意_レ三
更日正_レ紅

百丈捲席

登堂捲席氣如虹昨日今朝事不同一陣
風吹烟雨散巍巍獨露大雄峯

百丈再參

龜毛拂子掛_レ床頭拈弄何曾得自由不是

馬師施一喝至今兩耳聞耿耿

風幡

非風幡動是心動折角泥龍出古洞布兩興雲遍大千幽然一枕好春夢

茫茫四海參玄士爭向風幡去論心心與風幡如可論老盧猶自不知音

玄則禪師龍吟霧起因緣

任心未歇誇禪道一問請訛帶濁清非是

當時大法眼至今賞罰不分明

子胡狗

惡狗當門難近傍教人好看吼全機孰知老漢婆心切敵勝還他師子兒

四今時著語并頌

洞宗以知有為頭以盡却今時為尾故今立盡四今時以但有功勳皆落今時也未入正位則總未離念是界內今時

既入正位而坐，在尊貴是界外今時轉
位就功而功位並顯，是大用今時功位
雙泯而不落言詮，是究竟今時也。

問如何是盡却界內今時底，句答曰大
功纔轉後潔白却難留，頌曰

空華滅處荷擔輕，一片晴光映太清。
行過雪山歸那畔，方知尊貴自天成。

問如何是盡却界外今時底，句答曰踏

翻空界，月掌上立，乾坤頌曰

不戴華冠，御寶筵翻身，濁界恣留連。
蓮華火裏隨時發，樂事欣欣徧大千。

問如何是盡却大用今時底，句答曰萬
方皆順化，一默自無爲，頌曰

汗馬勲成已太平，六門無鎖自虛明。
深宮窈窕誰能到，謾說簫韶奏九成。

問如何是盡却究竟今時底，句答曰炭

庫放光明，斬新懸日月。頌曰：坐斷上頭無貴位，却來巖谷掛烟蘿。沉沉古井深千丈，時湧無風匝匝波。

贊

六代祖師贊

有別

嵩山面壁老不歇，心雪夜安心斬頭求。活與汝懺罪，竟彼自無瘡，勿傷之也。誰人縛汝三千里外穿，却鼻孔黃梅無性。

兒問著，肩漉漉地好不丈夫。碓頭盧行者，得衣窟無門偷心不死，這一隊老古錐。可惜當時放過，致令一人傳虛萬人傳實。直至今日，葛藤蔓延，總無一人為渠刻却。雖然事無一向，只得將錯就錯。向枯木上糝花，虛空裏安耳。豈令有眼者見有耳者，聞各各腦門放光，脚跟著地。豈不忒哉！若是箇闡提漢，向達磨未

來已前撩起便行只這許多長言短語是甚熱椀鳴聲付之丙丁撫掌一笑也怪他不得其或未然豈須子細且莫草草

初祖達磨大師

自昔論珠露賊身鐵枷著頭怨難申六宗擊破南天夢五葉草傳震且春中甚何妨身便死西歸一任眼生塵誰知熊耳峯前月白晝團團冷照人

二祖慧可大師

不聞誨勵恨何窮玄雪齊腰志莫通斷臂呈時猶可在覓心安處竟無蹤直施三拜敲爺髓便吐殘涎治子風欲識阿師端的處涅槃償債二俱空

三祖僧粲大師

姓氏不言來處親法身有病亦堪陳忽知罪性空無在便覺種華生有因銘出此心

教起信廣開法會度何人
皖公山色今猶古
大樹參天不涉春

四祖道信大師

大地都盧解脫門全機投入與誰論法開
雙嶺光初著衣付小兒道益尊三降天書
呼不起一施雪刃志難翻至今塔猶開
關生死渾拈一口吞

五祖弘忍大師

身前有約許重來又掘青松火裏栽
智母不煩方便父老翁還作白頭孩
師資道合投針芥龍象也鼓電雷
却有碓頭盧行者得傳衣鉢便南回

六祖慧能大師

自是獨獠根性利著歸槽廠息羣疑
三更寫偈知塗我八月腰舂豈欠篩
懷會藏鋒澄目下風播論義駭當時
曹溪從此波濤

為標下

湧得道如林萬古師

五宗祖師贊

瀉山靈祐禪師

一星拈出忽知有時節因緣亦只哉踢倒
淨瓶機獨邁奪來山子道弘開短長拘柄
調鹽醬父子家風辨墨煉水粘瀉山休卜
度曹溪境裡絕纖埃

臨濟義玄禪師

種性頑窟一水厮受人指畫陷泥犁頂門
吃棒蒿枝折脇下還拳閃電逢一著機先
頻獨占三玄句內每連馳吹毛凜凜翹今
古道出常情幾箇知

洞山良价禪師

師真描出尚沉吟觀影方知師意深止水
有光照可象清波無路扣玄音圓機落落
除三漏五位重重示一心齋罷不知何處

鶴林下

去閑名謝盡更難尋

雲門文偃禪師

睦州門下折驢脚象骨岩前覓蛇蹤寄語
上山賊捉賊低頭合妙空歸空徧參洞下
諸尊宿建立雲門三句宗月到天心誰顧
鑒三門合掌笑燈籠

清涼文益禪師

三界唯心唯斥石縷分內外隨狐疑半生

間解多虛擲一句全提始自知用不換機
閑眾眼言無滲漏起家私山河大地誰堅
變法法現成何所師

觀音大士贊

旋倒聞機及聞自性寂滅現前拍拍是令
天空雲澹水流花開普門圓應大地春回
蠢蠢凡愚猶如赤子哀哀顧復不帝慈母
眾生熱惱如坐沸湯一念皈依當下清涼

送子觀音贊

為周笑斯居士作

這寧馨兒送與阿誰富沙君子周氏笑斯
我聞菩薩三十二應心誠求之如象現鏡
是故周氏圖像敬瞻日夕歸依爪蹉綿綿

又

為魏俊士居士作

本是不羈漢子隨方賤賣風流如風徧號
萬竅似月普照閻浮魏君盡像供養全身
突出筆頭為求福德男子真童與紹箕裘

是謂圓通大士津梁萬世不林

血寫普賢大士贊

金刀割舌流鮮血寫出普賢大願主香象
騎來全體露踏翻華藏是剛腸

壽昌師祖贊

後五百歲有若是翁猶如大夜日忽涌東
大好山中破祖師之閑挨黃龍峯下振曹
洞之綱宗揭曾襟而遮天盖地拈戒尺而

策象鞭龍，翛翛若雲間逸鶴，凜凜如雪裡孤松。無罣無碍，有始有終。臨行一句分明，指石女吹笙，上碧空咄。

老和尚贊

這箇老漢，如空寬曠，畏地含天。離名絕相，辨古今得失，而毫釐弗差。驗龍蛇真偽，而絲忽不讓。通霄大路，任人行步履如飛。趁不上道德文章，世誰知捕影捉風，徒悵望。

嘆畢竟是何模樣，洞水逆流波萬丈。

劣崩峯頭，个十翁晏然端坐。白雲中道興，曹洞燈無盡學貫天人。智莫窮神鬼，欽承知德重。虎蛇馴伏，見心空騰身。一抹威音外，萬古遺聲震曠聲。

滅壽昌禪，破真寂戒。三十年來賣脫空，天下叢林作殃害。臨行撒手去，如飛三界內。外尋不在人來箇，箇問如何帶累瞎驢償。

口債

西堂本智公道影贊

公入鼓山垂三十載浮雲迭變德操弗改
身靜如山心安若海瞻之仰之恒觀自在

照空師兄贊

荷山隨師來至石鼓餘二十年頃心夾輔
扶樹法幢功不下禹戒逾冰雪志吞佛祖
紹師昆尼孰曰莽鹵天胡不仁奪歸西土

於君何傷法門無補緬懷哲人淚落如雨
聊作贊詞寸心千古

自題小影

虛空縫裏下一楔飛出烏龜變成驚白馬
蘆花難辨別分付雲門乾屎橛咄

鼓山為霖禪師居首座察乘拂語錄終

鵲林哀悃

先和尚歸真記

丁酉七月十九日屬老和尚八十初度四方緇素弟子畢集為師慶壽競請開法先是辛卯春禁止上堂後雖力請弗許至是幡然許之但垂示法語每露謝世意衆竊疑之果于九月初一日示欬逆之疾請醫診候病乃稍聞既而痰復作不食者已念

餘日而精神炯炯起居如常說偈示眾曰
老漢生來性太偏不肯隨流入世塵題性
至今猶未化剛將傲骨抹儒禪儒重功名
真已喪禪崇機辯行難全如今垂死更何
用祇將此念報龍夫復云老僧世出世事
盡在此偈汝等毋忽至念四日侍者進湯
藥師曰吾會當行矣非藥所療也竟不服
惟閉目吉祥而臥若入定然有問疾者輒

開眼視之晴光射人良久復閉至十月初
四日晚道需問曰和尚今夜尊候何如師
曰只是明後自事也眾皆惻然淚下道需
進曰和尚既無意于今世而末後一句如
何分付大衆乎師乃索筆書曰末後句親
分付三界內外無可尋處由是眾執事競
以後事問師並不答竟以手揮去之至初
六日未刻六脉俱絕而侍者以報師點首

而已及晚大衆擁集榻前師令衆散衆不
去道需啓曰大衆所以不去者欲念清淨
法身毘盧遮那佛候送老和尚耳師笑而
首肯至中夜引道需手寫四字曰不有病
了令侍者扶起坐定以目普觀天衆如象
王回顧之狀良久即瞑目侍者進沸湯撼
之已晚去矣寔初七日子時也嗚呼法自
既沉生死長夜誰爲開曉乎言念及此五

內崩裂但道需竊觀老和尚雖示疾月餘
而動止安詳懽若平昔不見不豫之色不
聞呻吟之聲而每日清晨衆弟子圍繞問
候垂誠諄諄皆宗門大事竝無一言語及
世諦蓋師平生一言一行斬釘截鐵無一
毫塗飾之意故臨生死關頭神思不亂超
然自得譬如青天白日戶門洞開信步直
去無少留碍是豈可以凡情擬議者哉第

恐諸法眷有未知老和世歸真顯末者謹
據實記錄如此庶幾相慰其哀慕之誠云
爾

最後語序

梁普通間菩提達磨自南天竺國來倡為
禪宗不立文字直指人心見性成佛其付
法偈曰我本來茲土傳法抹迷情一華開
五葉結果自然成嗣是六代傳衣五宗競

出由唐歷宋其化大焉五宗者為仰雲門
法眼三宗與宋運俱終其傳至今日者唯
臨濟曹洞二宗其洞上一宗亦已久衰至
萬曆間壽昌無明老祖傑出始中興於世
壽昌入室弟子九數人其最著者博山無
異和尚與先師鼓山永覺老人老人年二
十五省發四十出家四十六悟道五十七
歲出世八十歲入滅二十餘年間四坐道

場大_ニ作佛事_ヲ言滿_チ天下_ニ遂_ニ被域中_ニ凡叢林
久參者_ハ衲固_シ不_レ腰包_ヲ來觀_ニ而海內賢士大
夫亦多折節問道_ヲ其生平語錄著述甚富
俱已刊行_ス于世_ニ而此萬餘言是其最後絕
唱標名_ト最後語者_ハ老人所自命也竊惟老
人之道廣大精微其學貫通該博其見地
圓明超絕其說法縱橫無畏其所守嚴其
所養到其福德壽考允稱圓備而臨終之

日說偈辭_ヲ衆危然坐脫頭正尾正即求_レ之
古尊宿亦不多得况時輩乎嗚呼達磨一
宗傳至今日而弊已極矣老人出_テ而視之_ヲ
以_レ力行鎮之_ニ以正大繩之_ニ以綱宗驗之_ニ以
言行牢把鐵關不少假借故雖諸方號_ス飽
參者其始至無不行行然擎頭戴角_ヲ而老
人不動聲氣微垂_テ勘辨_ヲ即皆土崩尾解_レ憊
懼而去唯真參之士具_テ淨法眼_ヲ乃能俯就

鑪鞴久煉不退益知當今之世少殊一綫
之脉不至墜地者唯老人是賴耳無何世
緣告畢遽戢化權人天眼滅孰不哀慕於
是建州弟子謝飛卿氏請以最後語壽諸
梨棗公之海內庶幾他日問道者知路頭
在茲不至迷誤入于邪林甚盛心也小子
需忝預法席有年茲又濫膺付囑凡老人
生平履歷頗得其詳于是謹序其梗槩於

卷首其他備乎林涵齋居士行業曲記云

祭文 二章

維順治十四年歲次丁酉十一月壬子朔
越十有二日嗣法弟子道需謹以辨香盃
茗昭奠于鼓山堂上示寂本師傳曹洞正
宗第三十二世永覺老和尚靈龕前而言
曰嗚呼和尚以生知之資躍出儒林投身
法窟得不傳之秘肯振已墜之綱宗二十

餘年間四坐道場海口飛翻電機閃爍言
滿天下道播寰中今歲丁酉和尚身登八
旬鶴髮飛霜童眸耀日盎然時然晏坐於
天風海濤之上龍象圍繞天人護持七月
十九日屬和尚初度四方畢集為和尚上
壽孰不以趙州百二祝期其長住李世
壽佛慧命胡意報緣忽終化權長戢人天
眼滅哀慟何極嗚呼不孝道需年十八歲

于寶善庵中因掌石老人指禮和尚於荷
山和尚一見即許執侍巾瓶汲水負薪因
敢忽後一日于野田中採瑞蓮以獻和尚
曰吾道當馨于世矣明年春和尚出世鼓
山道需隨以至執經問義和尚無誨不倦
又明年辭和尚出嶺徧歷講肆未幾和尚
以吊掌石老人來真寂道需復得執侍然
和尚每以本分事提持其奈往往錯過一

日因讀臨濟語有省和尚欣然撫之曰子
已入門矣宜加精進勿怠道需益激厲於
是即棄講席參密雲老人于天童凡八閱
月歸以所得自和尚和尚乃舉從上古德
機緣一一勘詰是為證明非即刻削道需
于是時如暗得燈如貧得寶其歡喜踴躍
無以為喻及道需入天目訪高峯死關凡
一年和尚又遣僧喚歸琢磨煅煉因替晨

昏後以親老辭和尚歸闕未幾和尚亦歸
道需又得時時親炙及二親歿乃復卷衲
上山而和尚甚喜即命充堂司于是重加
披剃大翻前案不然所見矣道需益迷悶
又經三年始蒙印可至今歲正月上元日
聲鐘集眾付以衣法即命首眾秉拂其提
唱之餘大眾賞識師資道契不減寂子之
在瀉山嗚呼方期和尚壽考百年作大法

之司南爲末流之砥柱道影因得少展微
蘊助轉法輪以報法乳詎意未及一載遽
有鶴林之悲苦海沉濟岸之舟長夜失木
明之照號天泣地披髮撫膺爲之奈何茲
當五七之期敬陳薄奠少訖哀私庶幾爲
和尚傳無盡燈於未來計般若緣於永劫
太虛可殞此盟莫渝伏冀老和尚常寂光
中慈悲鑑念尚饗

維歲在丁酉十一月壬子朔二十又八日
丙寅嗣法弟子道需率合山衆弟子等謹
陳純陀之供昭奠于鼓山堂上示寂本師
永覺老和尚靈龕前曰於惟老和尚宗燈
犀炬法海驪珠曩劫發菩提心慈悲本具
多生爲善知識福慧天成裂逢掖而著袈
裟類丹霞之選佛當入室而疑痛俸似洞
山之龜真及聞彈指聲歎之聲乃滅寶所

化城之迹從茲大白牛東西任放曹溪水
左右逢源開純金鋪于四山遼天索價唱
新豐曲干五位信口高歌影象重重善入
寶鏡三昧玄機落落慣穿沒鼻金針奪食
驅耕用尋常手段敲骨取髓施格外鉗錐
劣削峯頭法波浩渺通霄路上靈木森陰
百鳥同棲四海共會茲當化緣告畢何妨
閻裏抽身慧白云沉一任箇中滅跡閑名

既謝三界莫尋觸髅頓乾十方坐斷某等
委身鑪鞴恨頑鈍之難鎔備員叢林愧踈
慵之失職斯丁鵠林之變深啣失怙之悲
每懷獅吼之音長動泣岐之嘆山風海月
彷彿來儀草露蒼滋詎勝揮涕敬陳最後
之供用伸終凶之誠哭不成聲言多失次
嗚呼哀哉伏惟尚饗

塔誌

為霖下

廿三

鼓山永覺賢公大禪師者壽昌無明和尚
的嗣也。系曹洞第三十二世云。本貫建陽
人。姓蔡氏。生于明萬曆戊寅七月十九日
巳時。幼業儒。負大志。有詩曰。道德師顏閔
文學宗。游夏其餘。二三子不願在其下。年
二十補邑庠弟子員。然賦性冲愴。不樂世
氛。二十五因讀書山寺中。聞僧誦法華經
曰。我爾時為現清淨光明身。忽喜躍不自

勝喟然嘆曰。周孔外果別有此一大事耶。
自是留意教業。貫通經論。回視世典。不啻
大海之于牛跡。自以為是矣。久之。壽昌無
明和尚開法邑之董岩。聞其提唱。茫然自
失。又嘆曰。畫餅若為充饑。于是盡棄所習。
從壽昌參禪。一日聞僧舉斬猫話。忽有省
作偈呈昌。昌曰。此事不可於一機一境上
取。則雖是百匝千重。垂手直過。尚當遇人。

始得所謂不知已在青雲上猶更飛身入
衆藏是參學眼也師退而參究益力至年
四十竟裂逢掖棄妻孥從壽昌落髮師後
九有請問昌但曰我不如你一日偈昌田
中歸師進而問曰如何是清淨光明身昌
挺身而立師進曰祇此更別有昌便行師
當下豁然如釋重負隨後入方丈禮拜起
將通所得昌遽拈棒打三下曰向後不得

草草仍示偈曰一回透入一回深佛祖從
來不許人直鏡跨上金毛背也教棒下自
翻身師猶疑云因甚更要棒下翻身及昌
遷化後依止同門博山無異禪師三載即
從受具已而辭歸闍住山舟過劍津闍僧
唱法華經曰一時警欬俱共彈指是二音
聲徧至十方諸佛世界廓然大悟乃徹見
壽昌用處有偈曰金鷄啄破碧琉璃萬歇

千休祇自知穩卧片帆天正朗前山無復
兩鳩啼時當天啓癸亥秋九月師年四十
有六也師既得道乃隨緣隱道始居甌寧
金僊菴三載復移居建安東溪荷山凡八
載火種刀耕機絕人世至五十六歲因謁
聞谷大師于寶善一見契投力勸出世乃
以所傳雲棲戒本授之明年應鼓山請猶
以菴主自居又二年開法泉之閣元而懷

中辨香始為無明老人拈出師嘗曰禪本
壽昌戒本真宋未可誣也繼又開法杭之
真宗延之寶善後復歸鼓山重建寺宇大
闡宗風海內皆尊之曰古佛清於順治丁
酉年九月初一日示微恙十月初七日子
時說偈辭衆危然坐化春秋八十臘四十
有一以明年正月念一日午時奉全身塔
于寺之西龕遵治命也三會語及諸撰述

九二十種計八十餘卷茲盛行于世

起龕告文

維順治十五年正月念有一日寅時之吉
嗣法弟子道需率合山眾弟子等謹陳香
積之奠昭告于鼓山堂上示宗本師永公
大和尚靈龕前曰於惟我老和尚太虛為
龕全身已闕青山舉步大用方興不離菩
提場而昇他化天遮那舊轍不出聖箭堂

而歸無縫塔石鼓成規象木馬於空中趨
玉象於劫外清風凜凜道化綿綿十方諸
佛贊嘆莫窮四眾弟子瞻仰有分嘆大家
送上通霄路共轉吾師正法輪尚饗

封塔告文

維順治十五年正月念有一日午時之吉
嗣法弟子道需率合山眾弟子等謹陳香
積之饌昭告于鼓山堂上示寂本師永公

老和尚塔前曰於惟我老和尚壽昌的嗣
 石鼓正主圓興聖當年之公案梵刹重興
 振曹洞已墜之綱宗法幢高建大名馳宇
 宙識與不識皆仰德風化雨徧山河情與
 無情咸資法乳而今因圓果滿水到渠成
 撒開大寂定門全身抄入樹起無縫塔樣
 萬古式瞻竝劣前以嗟峨共靈源而澎湃
 當斯時也坐斷報化佛頭鑿開人天眼目

松風鳥語熾然聞說法之聲海月山雲廓
 爾見寂光之境太虛可殞那事無妨却火
 洞然這箇不壞百靈守護萬象皈依尚饗

竊觀為霖禪師者永覺禪師之的嗣也其
秉拂語錄自足知行道之勝蹟矣且又詳
載永覺禪師之鵠林哀悃因茲則知無此
父無此子也嗚呼父子道契針苴相投盛
德大業無以為喻余又洞家之麒麟檀也
豈不喜吾宗之中興於中華哉是故加和
點於此錄而却要使人知其如此者矣
皆萬治龍集辛丑四月四日釋交易謹題

寬文八戌申歲

鵠林傳左衛門

